

Pemain bola jaring janji terus tabur bakti



IZYAN Syazana menunjukkan trofi dan anugerah yang diterima, kelmarin.

Alor Setar: "Saya dipilih mewakili negara pada usia 15 tahun, selagi khidmat saya diperlukan, saya akan terus menabur bakti untuk negara," kata pemain bola jaring negara, Izyan Syazana Mohd Wazir, 24, yang menerima Anugerah Wanita Cemerlang 2017 peringkat negeri Kedah, kelmarin.

Sumbangannya bersama skuad bola jaring dalam mengharumkan nama negara merangkul emas pada Sukan SEA 2017 Kuala Lumpur Ogos lalu membolehkan dia menerima anugerah berprestij itu.

Menurut Izyan Syazana yang baru berkahwin empat hari lalu, anugerah itu disifatkan sebagai hadiah perkahwinannya, selain rasa di-

“
Jika saya terpilih untuk bermain dengan skuad kebangsaan lagi, saya tidak akan bersara selagi saya mampu kerana bola jaring sudah sebat dengan diri saya sejak berusia 11 tahun,” katanya.

Izyan Syazana Mohd Wazir

harga kerana diiktiraf kerajaan negeri.

Katanya, ia menjadi pembakar semangat untuk beliau meneruskan kariernya sebagai pemain bola jaring biarpun usianya semakin meningkat.

"Jika saya terpilih untuk

bermain dengan skuad kebangsaan lagi, saya tidak akan bersara selagi saya mampu kerana bola jaring sudah sebat dengan diri saya sejak berusia 11 tahun," katanya.

Ketika ditanya perancangan tahun depan, anak kelima daripada tujuh beradik itu berkata, beliau akan meneruskan pengajiannya dalam jurusan Pendidikan Jasmani, Universiti Putra Malaysia (UPM) selepas menangguhkan latihan praktikal semester akhir bagi memberi tumpuan menghadapi sukan Asia Tenggara itu.

"Selepas saya bergelar guru sekalipun, saya tetap akan aktif dalam sukan ini, segala pengalaman yang ada akan

dicurahkan untuk pelajar saya kelak," kata pemain penyerang ini.

Izyan antara 30 wanita cemerlang Kedah yang menerima anugerah itu yang disampaikan Menteri Besar Datuk Seri Ahmad Bashah Md Hanipah.

Majlis anugerah itu dianjurkan kerajaan negeri di Dewan Seri Negeri sempena kesinambungan Hari Wanita Mac lalu.

Untuk rekod, skuad kebangsaan berjaya menamatkan kemarau 16 tahun untuk meraih pingat emas buat kali kedua kejohanan berprestij Asia Tenggara itu apabila menewaskan musuh tradisi, Singapura 65-41 pada final di Stadium Juara, Bukit Kiara, Kuala Lumpur.